



十五

永樂十三年至十七年

國權

鹽官談遷孺木著

乙未永樂十三年

正廟子翔上在北京受朝賀

辛丑勅諭天下來朝官曰朕夙夜圖治擢任賢能苟能盡心脩職俾康兆庶天下未有不太平者也夫為官者以忠勤廉謹為本以公正仁恕為先忠則不欺勤則不怠廉則不貪謹則不肆公則不私正則不偏仁則不暴恕則不害毋謂民愚而心實神毋謂朝廷可欺也而上天鑒之不遵朕言罪不赦

欽哉既復榜而申戒之午門之外

丙午塞居庸關以北潭峪等山口

丁未瓦剌順寧王馬哈木賢義王太平安樂王把秃孛羅貢

馬謝罪請朝貢如初許之

戊申大寧都指揮使張忠卒鳳陽人

壬子夜午門外燈山火有死者中軍都督同知徐州馬旺不

及避預之

甲寅命禮部給死者家鈔賜馬旺祭塋旺燕山中護衛百戶

從請難累功上甚惜之

丁巳勅皇太子敬天戒悉停各官進送物件

戊午遣監察御史吳文等分行天下察吏治詢民瘼有司貪

刻不律者執之關兄老病悉送京師

勅內外諸司布寬恤之令

壬戌設保安州在居庸關外漢涿鹿地元奉聖州國初廢徙

其民

甲子行在戶部言漕運漸多請發民治倉督其日東作將興

其出徒流以下定等輸作

丙寅命豐城侯李彬鎮陝西忻城伯趙彝鎮徐州都督同知

曹得鎮德州都指揮使李任鎮彰德都指揮同知李晟鎮痛
州指揮使費瑾鎮真定指揮僉事凌錫鎮揚州都指揮僉事
施文指揮同知劉敬黃瑄鎮淮安論曰爾皆舊人寄爾腹心
夫財民心也不傷其財斯不失其心往勉之

夜大星光燭地出梗河東北行入天厨一本望州國以書封
前交趾右叅議解縉卒於獄縉字大紳吉水人幼有夙慧洪
武戊辰進士授中書舍人金華庶吉士嘗從大庖西草封事
上數稱奇才諸大臣皆忌改御史予告工崩入臨劾其違
養謫河州衛吏董倫薦之入翰林待詔上即位擢侍讀直

文淵閣進翰林學士兼右春坊大學士以阻漢王高煦及交
趾事見忤出終廣西再改交趾徵下獄高煦使獄吏醉埋之
雪中死或曰上意也籍縉家妻子徙連東翰林簡討永福
王傅宗人府經歷高得賜右春坊右中允兼翰林脩撰李貫
左贊善兼翰林編脩吳縣王汝玉編脩朱紘簡討
蕭引高皆相繼獄卒縉才高志銳詩文雄宕備等咸後進工
文相引重遂被以輕薄名悲夫

廖道南曰高皇帝網羅英俊智識群策當時翔運諸臣
親如善長貴如廣洋惟庸近侍如婁如瀛如觀如素雷震

所擊固不震懼縉以一少年上庖西萬言批鱗逆心固所
顧忌而曰聖度優容令其進學才難之歎猶可想見規模
大真宏遠矣召旋河隴踐歷清華密贊建儲有故老舊臣所
不及知卒罹於讒莫之敢白悲夫
羅洪先曰方高皇帝揮斥英雄濯拭宇宙此何時也而
王叔未弱冠天眷獨隆成祖之初契符魚水觀其應制寓
諷封事犯顏有鄭公之正乳兒朝貴湫屣爵位有方朔之
奇忤權蹈危投荒勵節有太白之邁保儲忘身從冢戍邊
有東之之烈是果積累得之否乎即使有歎於聖賢亦當

不失為豪傑何相其才固自殊也世之知公者淺類以詞
翰賞之臣論生平莫定題品仁廟嘗曰人言解縉狂縉
非狂士嗚呼非日月之明哉
林之盛曰解公之善悟主也始言太子之仁孝以動之
繼言太孫之穎異以堅之據以正法感以至情真得靖
獻之謨者不然以漢王之武兼之以功文皇帝喜其類
已而諸臣又左袒之百喙不能移者而何片言立移捷若
轉員乎有是哉解公之善悟主也
吳中行曰公負奇氣抱傷才歷踐清華力抗權幸早遇聖

明晚罹讒毒殆弗究其用者與或蘊之未深而銳者易折也君子蓋惜之矣

何喬遠曰解縉年少通達不戒曾誼至其直言如魏徵矣縉與憲夏三楊並有翼儲功有口不容幾之不作以及於禍憲夏三楊終用謹重蒙寵縉身後之典亦稍靳焉

劉鳳曰吳稱文學自言游始後乃盛海內然初之能紹者汝玉兄弟實先之雖不善終亦由博會能以其文進用被眷良厚有名稱於時顧不為資適逢世得當哉逮其友也

一由於文文適庸乎竟以名敗故亦安貴名也

王汝玉

袁宏曰以解公之才而受知於高帝及高皇帝不數年遂參鈞軸不可謂不過矣然卒以幽死甚矣讒人之罔極也夫以賈生之通達國體遭遇漢文竟困於絳灌廢死

甲長沙天乎人耶觀解公所論奏皆明切可施行當世其所論群臣優劣十不失一何其知人之哲也嗟乎賈生之所謂輕薄即縉之所謂狂也語曰高才不達直木先代信矣哉又何足怪乎

二 己朔浚瓜洲壩河

壬申和寧王阿魯台貢馬

癸酉遣指揮劉斌給事中張磐等一二人分往山東山西大
同陝西甘肅遼東督視軍士操練屯種

甲戌翰林脩撰梁潛王洪主行在禮闈

癸未置兩京城門訃

交趾總兵官英國公張輔贈國公沐晟等入朝

甲申立北京馬神廟

丁亥陝西都指揮同知劉昭為都指揮使初昭等使烏思藏

還至靈藏莽站值番賊敗之故授官有差

戊子賞交趾功左軍都督同知朱廣為左都督中軍都督僉

事江浩山東都指揮使方政為都督同知政左軍餘邊秋有

差

己丑渤泥入貢

監生李哲張溫王延陶衍郝珩張禮李欽李禧劉穆董榮王

三敬周李瀚為給事中李素為監察御史

庚寅免興化金壇水災田租

甲子顧興祖嗣鎮遠侯成之孫統之子

乙未釋工作囚徒四千九百餘人初翰作贖罪多脫亡有司

請捕之上曰必其臣之遂命見役者俱還家期秋後赴工

令下有不願去者七百餘人命工併蓋釋之

丁酉復刑部尚書劉觀官先生事請本部使

賑河間縣饑民從主簿陳聚之奏

戊戌仍許西番以馬易茶

三 己亥朔廷試貢士洪英等三百五十一人於奉天殿賜陳循

李貞陳景著等進士及第出身有差

辛丑復工部右侍郎許廓山東左叅議魏瑛官先罰北運

壬寅貴州左布政使蔣廷瓚等率宣慰郡縣官民來朝貢馬

百匹黃蠟千斤水銀四百三十斤硃砂三十五斤

癸卯試下第貢士得朱瑛二十四人賜冠帶入太學

皇太子遣御史瘞畿內暴骸

丙午廣西都指揮同知葛森討平武宣等縣蠻寇

丁未貴州左布政使蔣廷瓚言去年北征班師詔至思南之

婺川縣岩^大山有聲呼萬歲者三禮部請賀 上以山谷空應

常也不許

甲寅撤馬兒軍入貢

丁巳選翰林院庶吉士洪英王翱林文結宋魁陳鏞曾弘林

通節胡觀章文昭嚴珊金闕王瑛鄭珞袁瑛周崇厚習侃鄭

雍言年倫呂棠張益黃仲芳廖謨宋瑛朱景范琮黃猷陳文
璧高毅張堅沈賜又譯書王懋姚昇胡清方勉林超曹義龔
英時永彭麟應陳坤奇李芳葉穎王士章吳紹生丁毅石玉
黎民張遜萬兗周貴連智王諭樊敷王麟戴覲許彬徐景安
石慶鄭猷李冠祿周安謝暉
琉球山南王世子他魯每入貢山南王汪應祖為兄達勃期
所殺國人誅之推世子來請封
戊午瓜哇國王楊惟西沙入貢都馬板改名楊惟西沙
山東按察僉事晏璧坐事戍保安衛

罷海運令浙西蘓常松江歲漕入淮安倉鎮江廬鳳淮揚入
徐州倉徐兗入濟寧倉令內河舡於會通河以三千艘支淮
安轉至濟寧以二千艘支濟寧轉至通州其天津通州等衛
派官俾於通州轉至北京又浙直湖廣江西除存留及餉兩
京外坐撥二百五十萬石令民舡運赴北京通州河西務蓋
軍民舟之
立濬曰海運之法自秦有之而唐人亦轉東吳粳稻以給
幽燕然以給邊方之用而已用之以足國則始於元馬初
伯顏平宋命張瑄等以宋圖籍自崇明出海入京師至元

十九年始建海運之策命羅璧等造平底海船運糧從海道抵直沽是時猶有中灤之運不專於海道也二十八年立都漕運萬戶府以督歲運至大中以江淮江浙財賦府每歲所辦糧充運自此以至末年專仰海運矣海運之道其初自平江劉家港入海至海門縣界開洋月餘始抵成山計其水程自上海至楊村凡萬三千三百五十里最後其年戶殷明略又開新道從劉家港至崇明州三沙放洋向餘東行入黑水大洋取成山轉西至劉家島又至登州沙門島於萊州大洋入界河當舟行風信有時自浙西至京師不過旬日而已說者謂其雖有風濤漂溺之虞然觀河漕之費所得益多故終元之世海運不廢今漕河通利歲運充積固無資於海運也然善謀國者恒於未事之先而為意外之慮會通一河辟則人身之咽喉也一日食不下咽立有死亡之禍迂儒過為遠慮請尋元人海運之故道別下通海運一路與河漕並行江西湖廣江東之粟照舊河運而取浙西東瀕海由海通運使入習知海道一旦漕渠少有不滯塞此不來而彼來是亦思患豫防之先計也

己丑故山東按察僉事楊紳成邊至是起北京監察御史

四戊辰朔英國公張輔為征夷將軍充總兵官鎮交趾

壬申設交趾葵州隸演州府茶龍玉麻二州隸入安府

甲戌夜大星光青白出大角流至雲中

丁丑設府軍前衛親軍指揮使司既選幼軍隨侍

太孫至是置官屬

以真定永平滄州盧龍海水賑之

甲申英訥尚書兼詹事金忠卒於南京忠字勤人負氣

誼善亦隨兄戌通州靖難初召見稱旨署紀善後署長史屢

決籌策工即位拜工部右侍郎贊守北京亡何召長兵部

雖止起家博覽史籍善談論初議建儲合工音知無不言

三遜未嘗泄時密令察事多為解釋處君臣父子兄弟間調護

猜嫌君子難之歸其喪賜祭塋復其家洪熙初贈少師謚忠

襄十有

何喬遠白金忠雖卜士躋位文臣功名已極人固不可以

無學亦一時長者也

丙戌琉球中山王恩紹山北王攀安知並入貢

吏部左侍郎陳洽為兵部尚書仍往交趾兼贊軍務

丁亥占城入貢

中軍都督同知曹得孫勇為金吾左衛指揮僉事

庚寅定交趾召商金銀錢中鹽

辛卯賑桐廬西安穀萬三千四百石有奇

藥城教諭郭履以諸生無登科者成雲南子貢士魯乞代役

上閩之復履教諭

甲午貸嵩縣貧民粟

丙申撤馬兒罕貢馬

五月酉朔日食

辛丑午節上御東苑觀擊毬射柳賜文武群臣鈔有差文

臣以詩進加賜酒席

六 臣百行人陳季芳等往封琉球山南王他魯每汪應祖世子

鎮守滁州都指揮同知劉鑑為前軍都督僉事

築關平沿邊斥堠山海五所軍隸之

辛亥許臨洮鞏昌稅糧轉寄肅州對二十里直於西邊

壬子夜月食

丙辰設工部街頭日掌巴伯為指揮使

丁巳勅漢王高煦出居青州

戊午裁河東陝西鹽運司之河東分司

辛酉運平涼慶陽粟五十萬石於寧夏甘肅備餉
壬戌順天府丞甄儀為府尹

甲子進士李九疇趙貴和張誠為監察御史

乙丑開清江浦河道初漕舟自淮安陸輓渡淮以達清河平
江伯陳瑄以父老言淮安西管湖僅二十里直清河遂鑿引
以入淮

倭入金山衛指揮同知侯端出東門入城巷戰殲之

六朔寅朔夜大星出太微西垣行至近濁

戊辰刑部尚書劉觀改都察院左都御史

丙子夜月犯心宿前星

戊寅順陽王有烜薨謚懷莊

庚辰戶科給事中胡安有罪戍邊

甲申除山西遼州水災田租三十餘頃

己丑復中軍都督郭義官

辛卯設董小韓胡宣慰使司頭目喃葛為宣慰使給銀印

壬辰楚府教授烏濬為禮科給事中擢陳羽刑科給事中

是月北京河南山東大雨水臨清尤甚命賑之

七月酉諭行在左副都御史李慶曰灤州知州何敬代州同知

安損武清知縣李潛皆殘吏已置法備錄所犯榜天下以警
民收
癸卯太監鄭和還自西洋
何喬遠曰高帝既平定天下詔諭諸夷諸夷君長或使
或身悉隨使者來朝貢則高麗日本大小琉球安南真臘
暹羅占城蘇門答刺西洋瓜哇彭亨百花三佛齊淳泥尼
共十五國臣服最先而最恭順高帝作祖訓列諸不征且
示毋勤遠略之意既則撫綏懷柔令其三年一朝國王嗣
立世見而已高帝之言曰地廣非久安之計民勞乃易

變之源斯謨訐矣已而日本通胡庸惟不軌乃命絕之惟
念北平為元餘孽時繫心遣將剷絕窮追乃已至其嚴
邊尤屢晚歲成祖有天下遠慕唐宗賓服內夷之盛近
續高帝係心胡元之切狂孽戾於斯為烈西戎之夷
吏部員外郎陳誠銜命往使歷國十七首尾往返者數於
是降胡遠軍盡居內地酋長部領悉署官封至夫才具可
用誠心足託者往之爵之公侯布在左右雖至掖庭內宮
亦有外夷之女所以示招徠之大明鞭撻之威也海中諸
國則命黃頭二萬望日占風指鍼墮墜縶無一不至與是

功者即非斬首選法不得減革蓋太監鄭和與王景弘侯
顯輩領之有歲當是時四夷君長執贐獻琛頂踵相望賜
宴之日有作舞天日稽首闕廷款未嘗有譯覲之館克物
虜皇奕然壯觀矣然而往來使送接伴賞資費亦不背仁
宣之間匹夫之享如常昆夷之喙猶故正統以後東南
海上夷以波濤難航貢使漸稀而西北胡戎貪利索賂增
人增賞莫可阻遏我惠漸薄彼信斯踈陵夷至於北也
先之禍其時雖禽獸之心驚健難馴亦繇我無以應其求
且內武不張徒取空言威而怒之自是以往惟有朝鮮恭
順靡解餘皆聽其不時自至而我所捍禦專北矣在南
曰倭雖其狡黠善戰來有時也至觀交南終棄哈密煩圖
地廣難安民勞易變神聖之云曹其然與

甲辰太監侯顯等使榜葛刺諸國

乙巳四川戎縣山都掌蠻平初劫高拱筠連慶符諸縣都司

右軍都督同知李敬合貴州都指揮李政討平之

己酉太白晝見

甲寅命武官杖罪以下繫獄而疾許出醫藥著為令

己未始召商中鹽北京納米喜峰口

庚申賑魏縣瑞昌永川射洪巴縣饑民粟二萬二百石有奇
癸亥山東布政司左叅議魏瑛瀆倫磔於市
丙寅永寧縣進嘉禾

增行在行太僕寺卿少卿各一寺丞一時北京軍民多馬

戊辰勅遼東總兵官都督劉江慎備如倉卒寇至不免有失

庚午唐王程薨程母賢妃李氏永樂六年就封敏而蕩年三

十謚曰定

戊寅旦壽星見

庚辰賑順天河間大名真定東昌濟南兗青南陽河南汝寧

開封衛輝彰德懷慶饑民

甲申蔚州衛進白兔

丙亥賑河南新寧等五縣饑民

庚寅夜太白犯房宿

辛卯保安衛進嘉穀

壬辰遼東金州衛綿虫傷稼

甲午夜大星出壘壁陣行至近濁

是月大城武強河決傷稼免田租

九月丁酉夜熒惑犯靈臺上星

唐子湖廣按察副使朱仲安改交趾

壬寅蘓門荅剌國王宰奴里阿必丁入貢初太監鄭和使其
國前王弟蘓幹刺謀篡位率衆邀殺官軍擊擒之以歸至是
俘至誅於市
癸卯古里柯枝喃勃利甘巴里滿刺加諸番國入貢

夜熒惑犯上將

戊申占城貢獅群臣請賀上曰元順帝時西都桑果葉皆
五色黃龍文嘉禾有一莖至一穗者五色雲常見朕與卿等
祇敬無怠而已

行在翰林院庶吉士陳月劉永清陳璣黃壽生余學夔錢習
禮為檢討
巳酉五經四書大全及性理大全書成纂脩官翰林學士兼
左春坊大學士胡廣右庶子兼侍講楊榮右諭德兼侍講金
幼孜修撰蕭時中陳循編脩周述陳全林誌李貞陳景著檢
討余學夔劉永清黃壽生陳用陳璣五經博士王進典籍黃
約仲庶吉士涂順禮部郎中孫羽兵部郎中童模禮部員外
郎吳福行在刑部員外郎吳嘉靖禮部主事黃蒙刑部主事
段民洪順沈升章啟楊勉周忱吳紳廣東道御史陳道潛大

理寺評事王選太常寺博士黃福行在國子博士王復原御
醫趙友同泉州教授曾振常州教授廖思敬蘄州學正傅舟
大庾教諭王進濟陽教諭杜觀善化教諭顏敬宇常州訓導
彭子斐鎮江訓導留季安上親序之臨海陳燧嘗曰始欲
詳緩為之後被詔促成諸儒之言間有不暇精擇未免牴牾
虛心觀理自當得之不可泥也

癸丑浙江治水左通政趙居任言蘓松常杭嘉湖歲登十上
以居任好佞驗視之
夜月犯司怪南第一星

甲寅夜月犯井宿

庚申免北京山東河南水災者徭役一年

辛戌北京地震

十湖五朔交趾叛寇陳月湖伏誅初月湖糾合清化磊江蠻作

亂張輔進討至赤土縣擒之餘黨就戮寇遂平

夜太白犯南斗魁星

丙寅令郡縣凡選發種田者能養馬悉除其罪

辛未夜熒惑犯左執法

乙亥塞關外各隘口成之

庚辰夜大星赤色出室宿行至近濁

甲申上獵近郊經白河念靖難時冰合濟師遣都督譚廣

特牲祭浩綠山整營歸曰古昔未有此營

辛卯置忽魯愛渚冬河札真兀思哈里四衛

壬辰法司奏冒支官糧者上怒命僇之刑科覆奏上曰

朕過矣其如律出思自賦刑科覆奏上曰

癸巳中官李達吏部員外郎陳誠等使西域還上西域記歷

哈烈撒馬兒罕俺都淮小答商迭里迷沙鹿海牙右賓塞藍

渴石養夷別失八里火州柳陳土魯番達失干卜花兒比十

七國山川物產風俗悉備略曰哈烈一名里魯在撒馬兒罕

西南去嘉峪關萬一千一百里四面多山有西流之河東北

山方十餘里哈烈城在焉國主居城東北隅室壘石平方若

高臺無棟椽陶瓦中敞虛室數十地鋪氍毹羅窓戶牖扉刻繪

花紋金碧無君臣上下男女皆席地趺坐國主衣窄袖衣及

貫頭衫戴小單刺帽以白布纏頭辨髮鬢後國人尊稱之曰

鎖魯檀華言君王也國人之服與國主同制上下相呼皆稱

名相見稍屈身初相識則屈一足三跪以為大禮男女皆然

飲食無匕筯釀酒多用葡萄大宴會則亦設几案尊者飲下

人皆跪酒行則陳幣帛次珍寶又次金銀錢布坐間餘者撒
坐外左右執事跪拾之皆大誼笑名曰喜錢市中交易銀錢
大小為三等國人成造而輸稅於國主國主記印焉不者不
得行市有征十取二有權衡無斗斛筭事者曰刀完有施行
國主與刀完直書紙上各記花押花押之制以金銀為戒指
鐫名焉國無法律傷人及死罰錢而已婚姻以姊妹為妻妾
男子髡首纏白布婦女如之居止相混喪則易首蒙以青赤
凡喪百日瘞不棺囊瘞之不祀鬼神不祭宗祖祭宗祖則於
墓惟拜天擇日而聚拜無月朔甲子七日為一周班列大土
屋一人大呼則班拜每月二十日為把齋至於月盡不敢飲
食暮乃食周其始食葷則聚眾植長竿懸葫蘆藏白鷓鴣蘆
中躍馬射之射中鷓鴣飛者為得采國中有一通回回經者眾稱
之曰滿刺國主尊禮之城中立大土屋設銅器如右馬周圍
數丈刻文器上游學子弟聚而習之若中國太學然若警報
則有急足持箭急足日走可三二百里蓋幼而習之其俗侈
其土沃饒多燠少雨土產有白鹽銅鉄琉璃金銀珊瑚琥珀
珠翠之屬多有蠶善為紉綺木有桑榆柳槐松檜柏楊果有
桃杏梨李葡萄石榴穀有麻苴菽麥粟獸有獅子豹良馬牛

羊雞犬獅子生阿木河蘆林中初生目閉七日而開明養馴
獅當閉目時取之撒馬兒罕在哈烈東北去嘉峪關九千七
百餘里去哈烈二千八百餘里地寬平土壤膏腴有大谿遠
城東北流域廣十餘里開六門其北有子城國主居城中居
室稠密西南諸番之貨驛錢用其國造禁酒屠牛羊者瘞血
城東北隅亦為土屋拜天鑊青石為屋柱中置講經壇經皆
泥金書護之以羊皮其人物秀美工巧過哈烈風俗土產與
哈烈同俺都淮在哈烈東北去撒馬兒罕千三百六十里城
居大村周十餘里人民繁庶風土物產亦與哈烈同哈烈之
屬國也一答商一名小里在俺都淮東北城周十餘里居平
村其南近山食物豐饒西南諸番人亦聚而市貨焉哈烈之
屬國也迭里迷在撒馬兒罕西南去哈烈二千餘里城在阿
木河東畔城南外居民數百家尊畜蓄息河多魚河西多蘆
林獅子產處也沙鹿海牙在撒馬兒罕東五百餘里城在小
岡廣數里西北臨河名火帖水勢衝亟有浮梁渡舟其南近
人居依崖谷多園林西行過一大川二百餘里無水間有水
多鹹地生臭草莖高尺餘枝葉如蓋煮其液成膏阿魏也又
有小棘叢生可一二尺葉細如藍秋露凝其上如珠食之如

錫採而煮之名達即右賓塞藍在達失干之東去撒馬兒罕
千三十里城周二三里平遠深蔚多居民盛五穀秋夏之交
蜘蛛生草中黑而不噬人通體皆痛掃以薄荷擦以羊肝誦
經一晝夜乃愈而膚盡竟脫傷六畜則多死止宿傍水可以
避之渴石在撒馬兒罕西南約二百六十里城居大村周十
餘里環城多水田南北近山西行數十里俱小山多苾思檀
果樹又西行三百餘里有大山石硤出其中高數十丈若斧
截硤口有門曰鐵門關通西南之路養夷在塞藍東三百六
十里城居亂山間東北有大溪西北入大川行百里多荒城
其地界別失里蒙古部落之間別失里沙漠地也馬哈
麻王子居之王子者元餘裔無城郭宮室隨水草畜牧而已
其王戴小帽刺帽簪鷲鷂翎衣禿袖衫削髮貫耳婦女裹白
纏頭衣翠袖衣以肉酪為食乳湮代飲米若麵時用而已間
種稜麥織毛布為衣有松檜榆柳細茶梧桐六畜之屬羊馬
最寒山谷中伏暑尚霜雪人性獷矣無君臣上下其國人云
東連哈烈至撒馬兒罕故疆也今西至脫忽麻北接瓦剌東
南抵子闐河端子闐有河產玉又有地名哈石寶石金銀之
所出火州在柳陳西七十里北近山地多熱山青紅若火故

名火州城方十餘里多僧少民東有荒城古高昌國治也漢
西域長史戎已校尉亦居此今隸別失八里柳陳古柳縣在
火州東去哈密千餘里經一大川至其國地皆沙磧無水草
道旁多骸骨云人早暮獨行則鬼魅迭死之出大川渡流沙
河有山青紅如火焰山下城屹然廣二三里即柳陳城四面
多田園環遠流水樹木陰翳土宜稼麥荳蒜桃杏小棗瓜胡
蘆葡萄^最多小而無核者名鎖子甚甘畜有牛羊馬駝氣候暖
其俗醇朴男子椎髻婦入蒙阜布髻垂額俱衣胡衣男子削
髮戴小單刺帽者號回回粧婦人白布裹頭者號畏兀兒狀

方音皆用畏兀兒風俗大較同火州土魯番在火州西百里
即古交河縣之安樂城城方一二里地平氣候暖少雨雪土
宜麻麥有桃李棗杏葡萄畜多牛馬城中有屋舍信佛法多
建僧寺其國在漠為車師在唐為伊西城西二十里有小城
名崖兒城城中有新崖其下二水交流倚崖為城故名崖兒
城城廣僅二里居人百餘家相傳故交河縣治又云古車師
國王所居也今土魯番有之鹽澤在崖兒城西南去土魯番
三十餘里城居平川廣二里居民百餘家城北有鑊山產石
鹽珠堅白可琢為器器盛饌可以不和鹽故名鹽澤哈密

者諸胡往來要地也其北有山界瓦剌其西接火州等城其
城居平川周三四里開二門東有溪西北流地鹹鹵間有楸
杏農種須糞壤種惟豌豆二麥人性獷悍與蒙古回回雜處
而禮俗殊異連失干在塞藍之西去撒馬兒罕七百餘里城
周二里居平原四外多園林果樹土宜五穀其民衆多負載
則任車牛下花兒在撒馬兒罕西北七百餘里城周十餘里
居平川地早下氣候溫和生菜冬食土產五穀桑麻絲綿布
牛羊魚天鷲雉兔俗殷富民戶以萬計

十一月朔夜熒惑犯進賢星

十庚子遣御史閔軍衛士平械器

己酉琉球中山王貢使直往魯還福建奪海舶殺官軍毆中
官坐誅宥其餘六十七人特勅諭思紹

辛亥勅周王橐蕭王樸晉王濟熈秦王志順各選護衛步騎

五千以明春赴真定操練勅陝西甘肅寧夏大同遼東及河
南山東山西陝西各都司中都留守司徐宿沂邳淮安揚州
武平歸德睢陽潼關諸衛選步騎明春赴真定德州操練候
比試於京師

壬子麻林國及諸番國進麒麟天馬神鹿諸物上御奉天

門受之祥臣稽首稱頌上曰此皆朕皇考威德卿等輔相
功繼今益勉之

己未賑海陽潮陽揭陽等縣饑民
辛酉兵部尚書陳洽奏占城通陳季擴侵奪升華府地請討
之不許勅諭占城國王占巴的賴
夜大星赤光自參旗行入九游

壬戌榮昌伯陳賢卒賢壽州人善騎射歷燕山右護衛指揮
僉事從靖難封王

十二月以磁州河災免田租

夜大星光青白出天社行至近濁

丁卯定北京十五丁以下養馬一十六丁以上養馬二箇佃
者不論丁七戶養馬一

戊辰免汲縣水災田租

勅寧夏總兵寧陽侯陳懋曰瓦剌馬哈木等候冬襲阿魯台
斯言雖未可信然須有備第勿輕戰堅壁清野上計也大同
開平遠東勅如之

夜大星光青白出下台行至近濁

己巳設美峪守禦千戶所隸保安衛

壬申免遠東定遠等衛水災田租

丙子許館陶南樂鈔帛准租

丁丑連東都指揮僉事徐剛捕倭而怯戍邊

己卯夜月犯軒轅右角星

丙戌貴州普安撫司改普安州領羅、夷民十二部

是月免浙江湖廣河南山東水旱糧芻

丙申永樂十四年

正月朔上在北京

癸卯韃靼脫、不花等來歸授副千戶

夜月犯井宿鉞星

己酉賑北京河南山東饑免其逋租停官買不急之務

己卯永新伯許成檀杖工部主事王景亮被劾皇太子戒

諭之

己未免懷慶彰德去年水災田租

夜大星光青白出游氣行至近濁

庚申琉球中山王思紹入貢謝遣使不謹之罪

辛酉行在中軍都督金玉為總兵官蔡福副之征山西廣靈

縣妖魁劉子進等子進嘗往石梯嶺值道人授刀矢能驅神

鬼糾眾作亂

夜大星赤光出太微東垣行至游氣

癸亥復潼川蓬州西充南部安岳射洪蓬溪鹽井

二月亥浙江布政司右叅議李彬坐贓免死輸作

戊子中軍都督僉事徐膺緒卒膺緒中山王達幼子洪武中

授尚寶司卿五載改大同中護衛指揮僉事久之調金吾前

衛全上進令秩質實無矯飾皇太子甚禮之

己丑夜大星光青白出漸臺東北行至近濁

三月朔長陵寢殿成奉安仁孝皇后命趙王祭告

都督梁福充總兵官鎮守湖廣貴州

戊戌刑部左侍郎金純改禮部

庚子禮部左侍郎金純為尚書

壬寅和寧王阿魯台敗瓦剌獻俘命錦衣衛指揮徐晟往賜

綵幣

別失八里王馬哈麻子納黑失只罕入貢告馬哈麻卒亡子
遣中官李達科給事中傅安往祭仍封納黑失只罕為王
時欲脩怨哈烈各勅諭之
甲辰改趙王高燧國彰德命漢王高煦居青州時高煦乞留
侍左右不欲行上勅曰果誠心留侍去年在此何決南還
所言殆非實

辛亥翰林脩撰兼右春坊右贊善梁潛為侍讀兼如故編脩
陳全為侍講起復太常寺少卿王勉

庚申前貴州普安安撫使慈長有罪下獄初慈長侵營長黃
暹地奪民妻下布政使孟驥按之又率萬眾圍驥驥計擒之
獄死

四 癸亥朔夜大星光青白出平星西南行至雲中

庚午貴州左布政使蔣廷瓚上言思州思南土軍二千戶所
仍兼兵農許之

壬申禮部祠祭郎中周訥請封禪太山尚書呂震贊決
曰聖經無文焉管子不足道也卿乃不及魏徵

甲戌故北京行部尚書朱濬子紹祖為通政司右叅議
乙亥翰林院學士兼左春坊大學士胡廣為文淵閣大學士

右春坊右庶子兼翰林侍講金幼孜俱為翰林學士兼如故
夜大星赤光燭地出雲中五小星隨之
丁丑復設孟養軍民宣慰使司初宣慰使刀木旦及長子思
樂發為緬甸土官那羅塔所殺司遂廢所部三千餘人散居
干崖金沙江至是授其次子刀得孟宣慰使從子玉眉宣慰
司同知

癸未夜二大星光燭地一自文昌行至近濁一自南斗杓
行至游氣

定皇太孫婚禮儀仗如親王

五月初辰朔暹羅國王子三賴波磨刺札的賴告昭祿群膺哆羅
諦利之喪遣中官郭文往祭詔封三刺波磨刺札的刺為暹
羅國王

甲午廣靈妖魁劉子進等平檻送百三十五人誅元惡餘戍
瘴地

丙申午日日上御東苑觀擊毬射柳賜群臣宴自公侯以下
至衛士耆民賜鈔有差
甲辰賑六安英山碭山蕭縣及浙江西安諸縣饑民
丙午設交趾各郡縣儒學及陰陽學醫學僧綱道紀等司

庚戌設交趾新婁守禦千戶所
通政司右通政馬麟卒麟葦縣人洪武中拜給事中建文初
謫雲南言上復之進兵科都給事中好評人嘗署兵部一日
即見糾其評少沮
甲寅夜大星光燭地出天桴旁行至雲中

己未金山衛報倭三十餘艘約三千餘人浮海往來

庚申陝州雨雹傷麥

江西大雨水

是月設西蕃領思奔寨行都指揮使司

六辛酉朔沛縣淫雨傷稼

丁卯勅鎮守寧夏寧陽侯陳懋曰瓦剌馬哈木已死其衆潰
散故停北征

都督同知蔡福克總兵官指揮莊敬副之率萬人巡山東海

上捕倭

尚寶司丞張信為少卿中書舍人袁忠徹為司丞

江西按察副使顧佐為應天府尹

夜太白犯諸王東第一星

己巳獲鹿縣雨雹傷稼

庚午交趾布政司右叅議莫勛率土官來朝進右布政使三
江土知府杜維忠為右叅政

壬申賑平陽大同饑民

賑平陽大同饑民

賑平陽大同饑民

賑平陽大同饑民

乙亥廣東儋州土官同知王賢祐率生黎峒首來朝 上謂

行在禮部曰黎人遠不沾化而貢獻頻繁自今三年一朝著

為令

己卯哈烈撒馬兒罕失刺思俺都淮等朝貢使還賜鈔幣命

禮部遇所過郡縣宴餞之仍遣中官魯安即中陳誠齎勅偕
行賜哈烈王沙哈魯及撒馬兒罕等頭目金繒諸物

丁亥故燕府長史壽州朱復贈北京行部尚書謚忠定

是月遵化玉田鄆縣商河等雨水傷稼

七月 庚寅朔故鎮撫王忠贈後軍左都督謚恭靖以婦馮氏乳母

也封保聖賢順夫人

癸巳鎮守寧夏寧陽侯陳懋進嘉瓜

鄆縣大雨水壞民居

丙申山東霪化縣驟雨傷稼

丁酉通州順義死平新鄉樂安蝗命瘞之

戊戌肇慶知府王伯貞卒伯貞恭和人博學工文洪武中薦授廣東按察司試僉事巡雷州緝盜開魁隄舊渠改工部主事憂去起後期戊戌安慶上初薦知瓊州導民向善峒黎歸化者萬三千餘人穰旱砥學稱嶺南治行第一又憂去起肇慶未任卒北京時程鄉知縣晉江鄭懋中以太學生寬恕庶慎不施鞭朴稱嶺南賢令之最

夜二大星光青白一自大將軍東南入外屏一赤光自壁東南入天倉

辛丑保定侯孟瑛吏部右侍郎師遠作漢邸於青州

夜月犯建星

壬寅開封大雨隄決沒田廬

乙巳諭行在兵部尚書方賓同安侯柳升選指揮千百戶知

兵者任其事否則汰送京師

署錦衣衛都指揮僉事臨邑紀綱有罪伏誅綱雖諸生善騎射從請難累官錦衣衛指揮使治詔獄逆鉤人意所嚮先發當上音聲咳無間恃恩驕橫朋比固上與指揮僉事莊敬等販鹽居食器飾僭上供畜歌童舞女出入迎導詐詔役臨邑人治第危法中人脅賂及侵盜官物亡美氣勢傾中外事

覺下法司獄具磔網敬夷三族指揮袁江干戶王謙李春鎮
撫龐瑛俱論死

談遷曰文皇帝至嚴明也紀綱起孤生日夜操切陰歛
陽卻擅秘薑尾包藏心漁利肆螫至不可勝數者何哉
乘其疑忌威劫天下於是借叢倒柄盡蔽其耳目而不自
覺也非中貴人發之將終同罷於長陵矣讀其爰書未
嘗不三為之大息也

夜太白犯鎮星

丙午應城伯孫巖初鎮通州檀樾死金吾右衛干戶馬俊被

劾安置交趾

丁未右軍都督僉事趙清卒清定遠人性伉直累官後軍都

督僉事建文初守彰德上招之語燕使曰殿下至京城

日臣敢不應召今未能也及即位上老之仍命後軍致仕

子琮授指揮

己酉裁兩京城門郎前年三月設

永平大雨水壞田廬命賑之

辛亥先是蜀王子悅燔逃谷王穗所王詭衆曰建文君尚在

金川之役我出之今居我所我將為大義發有日蜀王椿聞

之大懼使儀賓顧瞻上變先是穗益養死士作舟艦弓弩器械教習兵戰大創佛寺私度僧千人呪詛縣官與都指揮張成官者吳智典寶劉信暱造圖讖謂十八子當有天下而占之曰我也我高帝十八子號成曰師尚父智信曰國老令公隨侍都督張興密言於上上曰穗朕弟興曰雖然請察之曰上曰吾察之興還白皇太子南京曰臣所奏皆旦夕急上猶徐爾即不信急時請得毋隨生子及蜀王奏至

上曰有是哉立歸悅燔於蜀

癸丑賜書褒蜀王椿加黃金二百白金千鈔四萬玉帶一袞

衣九紵絲線羅紗各五十絨錦十絲絹十兜羅綿十高麗布

百米千石胡椒千斤馬十

已未夜大星赤光出五車東北行入文昌

是月河南布政司左叅議王徽巡部貪虐皇太子下都察

院獄

建寧即武延平廣信饒衛金華遠東大雨水溺人畜甚衆分

賑之彰德蝗

辛酉設吉灘衛女直野人

癸亥設亦馬忽山衛女直野人

甲子夜大星光青赤出雲中行至近濁

乙丑召鎮守陝西豐城侯李彬

刑科都給事中曹潤有罪徙邊

丙寅工部尚書吳中改刑部尚書

己巳常山右護衛指揮使陳智嗣榮昌伯陳賢子

壬申翰林院脩撰王英王洪為侍講

癸酉旦壽星見群臣請賀止之

翰林院檢討張伯穎為脩撰

戊寅徵谷王穗中官還自谷邸言逆狀也

辛巳刑科給事中山陽丁珏素無行因里賽社誣其妖言見

擢專伺人細悞人畏惡之益貪濫母喪未期起復輒從大祀

被劾戍邊

癸未旌石州學正鳳翔梁準孝行準母喪廬墓有烏鵲之祥

事聞擢均州知州

甲申夜大星光青赤出織女西入天市西垣外

乙酉設札真衛

丁亥作北京西宮

九月己夜月犯東咸南第一星

甲午浙江布左政使辛彥博卒汾州人監生謹直有通才居官以廉能稱

丙申上聞漢王高煦選各衛軍隨侍初右軍都督僉事歐

陽青即還原伍

丁酉命捕倭總兵官都督同知蔡福還京

己亥免寧陵縣水災田租

行在行太僕寺卿楊砥言近年馬蕃乞民五丁牧種馬一歲

蠲芻糧之半薊州至山海諸衛屯軍各種馬一歲子粒半之

上以軍牧悉免馬

辛丑夜二大星一赤光自天苑行至游氣一青白光出句陳

行入紫微東蕃

癸卯京師地震

甲辰瓦剌順寧王馬哈木賢義王太平等使還初諭以順逆

丁未夜月犯昴宿

戊申回工疑漢王高煦發北京

遼東苑馬寺卿章丘喬穩卒舊燕府審理正

甲寅免鹽城縣被水田租

丙辰夜大星光青白出五車行至近濁

十月未朔夜大星出游氣行至近濁

甲子兵部左侍郎盧淵卒淵新建人監生授兵部主事建文
中歷左侍郎坐免上復之庶慎勤敏賜祭葬

乙丑魯王肇輝朝上於濟寧上先夕夢之賜甚厚

壬申上次夾溝祭徐王墓

占城國王占巴的賴入貢謝罪

乙亥夜大星光青白出弧矢東南二小星隨之

丙子撒馬兒罕土魯番地面回回池法忽見丁等貢馬

丁丑次鳳陽祭皇陵

癸未上至京師

谷王穗粹就徵既至上示以蜀王之奏自服

甲申成國公朱勇都察院左都御史劉觀等奏谷王穗罪狀

不可赦上曰穗朕弟楚王楨周王櫛蜀王椿遠王柏寧王

權潘王模其與諸王雜議

十一月朔古里瓜哇滿刺加占城蘇門答刺南巫里瑄里淳泥

彭亨錫蘭山木骨都末溜山喃勃利不刺哇阿丹麻林刺撒

忽魯謨斯柯枝諸國及舊港宣慰司各入貢

辛丑周王櫛以子鎮平王有曠宜陽王有熈等來朝己酉還

壬寅復議營建北京

丙午召交趾總兵官英國公張輔

丁未夜大星光燭地出奎旁行入室東

漢府中護衛改青州中護衛

戊申奪漢王左右二護衛調其官軍立保安左右二護衛

工益其不法稍裁之

丁巳楚王楨來朝庚申還國

徙山東山西湖廣二千三百餘戶於保安三年不租

十 辛酉脩曲阜顏子廟

丁卯遣太監鄭和等同古里瓜哇等貢使勅賜各國錦綺紗

羅綵絹仍賜柯枝國王可亦里印語封其鎮國山撰勒碑

壬申歷代名臣奏議書成

命都督冀中馬聚調長沙護衛官軍三千戍遼東二千戍宣

府二千戍保安諸衛餘調山東

丙子設永寧衛處遠戍刑徒

己卯免貴州官三年考滿赴京通俟六年從左布政使蔣廷

瓚之言

壬午戶科都給事中胡濙為禮部左侍郎

甲申翰林院脩撰沈度為侍講學士中書舍人沈聚為脩撰

是月右軍都督同知高成致仕

丁酉永樂十五年

正月朔夜大星光燭地出天倉行至雲中

庚寅遠王植潘王模來朝庚子還國

癸巳寧王權來朝三月丙午還國

神僧傳九卷成

甲午上南郊

乙未永安公主薨上長女駙馬都尉袁容尚之

壬寅永安公主薨罷燈宴

癸卯蜀王椿來朝丁未還國厚賜之

四川按察使石璜有罪下獄死

甲辰楚王楨等謹上議谷王穗違棄祖訓陰結惡黨謀不軌

天地所不容祖保所不佑臣等誠兄弟謂宜按法誅惟

大凡皇帝裁門下恩以昭好示憲於天下上未即聽

丁未安王楹來朝甲子還國
壬子晉王濟煥來朝壬戌還國
總兵官平江伯陳瑄領運并提督沿河運木赴北京
二月未楚世子孟烜來朝
辛酉右軍都督僉事張欽卒欽睢寧人善騎射從靖難輒先
登積功累官贈新泰伯謚剛勇孫榮襲金吾左衛指揮使
同時天長周長奮勇善戰如欽歷左軍都督僉事贈萊陽伯
謚忠毅工南順
壬戌始設雲南順州儒學

癸亥廢谷王棟為庶人勅曰爾反性滅倫自作孽於不靖賴
天地宗社之靈蜀王忠孝發爾陰謀顯暴不可覆諸王群臣
咸求昭討朕隱於懿親削爾王降庶人嗚呼省念哉誅其黨
釋都督張興不問

談遷曰周有管蔡漢有淮南下愚不移其性善也棟既獯
戾建文見錄致啟金川之鑰自快私指橫被崇賞習靖難
之已事又無良謀坐亡其國孰為貸之今猶以削藩罪建
文則斗粟尺布之誣獨不可為長陵道耶噫何晁錯之
多而袁盎之少也

遼山西左右布政使周璟張春參政李冲張璘有罪逮至釋
之
丁卯豐城侯李彬為征夷將軍總兵官鎮交趾留兵部尚書
陳洽共事
己巳福清公主薨公主母安妃鄭氏嫁駙馬都尉張麟
浙江左布政使鄧謙有罪謫戍邊

辛未魯王聲輝來朝乙亥還國

壬申恭寧侯陳珪掌北京繕工事安遠侯柳升成山侯王通
副之給印制視都督府設經歷一都事四

甲戌肅王拱來朝

掌繕工事恭寧侯陳珪成山侯王通兼北京行後軍都督府

事

河南左右布政使周文復王文振俱坐罪安置均州
乙亥左春坊左諭德兼翰林院侍講楊士奇為翰林院學士
仍兼諭德庶吉士胡啟先為廣西道監察御史
丁丑慶王榘來朝壬午還國
設八節安撫司隸四川都司
丙戌置亦東河亦速河二衛女直野人

三月亥朔交趾選貢生鄧得等始入太學

己丑興平王尚炳永壽王尚炆來朝

甲午胡榮為光祿寺卿

乙未頒四書五經性理大全於六部兩京國子監及各郡縣

學

別失公里王納黑失只罕入貢時女弟將嫁撒馬兒罕請市

馬治倉遣中官李信指揮丁全等助絳帛各五百匹

丙申命天下有司雜犯死罪及徒流以下悉縱還家營資斧

徒作北京自贖

錢塘知縣葉宗行卒宗行葉亭人應薦言蘓松水利從尚書

夏原吉治河擢錢塘定役令民自第高下民便之訟庭簡肅

太子少師姚廣孝謂不媿古循吏

丁酉中軍都督同知蔡福以捕倭溺舟師宥死謫交趾

己亥光祿寺卿胡榮女冊為皇太孫妃

祥符王有燭新安王有燿永寧王有光汝陽王有燭來朝

辛丑建洪恩靈濟宮於北京祀南唐徐知諤知諤初徐溫事

楊行密養子知諤封江王知諤封旣王俱入閩請群盜閩人

祠之多靈應上禱輒效故立廟加封

壬寅 皇太孫婚

甲辰永興王尚契來朝

丙午漢王高煦有罪徙居樂安州初高煦封雲南失望不行
曰我何罪處我荒徼已又改青州曰我何罪處我瘠土數離
間 皇太子多不法長史程石琮紀善周巽等俱罪謫交趾
請天策為護衛擁軍三千不隸於伍符自說天策上將唐太
宗之號也侵各公主牧地占民田長史蔡瑛紀善周岐鳳數
直諫怒附繫之詔獄 皇太子不得已降岐鳳長洲教諭縱
衛士行劫兵馬指揮徐野驢執治高煦梓野驢鉄爪搥殺之
又支解無罪人投之江漆革為舟以習水戰造大量收祿米
於土怒甚面詰之褫王衣冠繫之西華門數日 皇太子力
救解捕工曰吾為人父不知子耶彼方以秦王世民自與居
爾於建成 他日 皇太子又言之乃有樂安之命曰是快
快者必為變處之樂安朝發夕擒之矣初 上問高煦於蹇
義不對問楊士奇曰漢王辭雲南青州之封其心惟 陛下
嘗之 談遷曰高煦以材武佐白溝東昌浦口之關前無衛陣世
民不啻也假開滇南之社又一莊躋滇南非 上之有矣

青州負海擅魚鹽之利沃野千里舉足左右其係匪輕當
時兩辭之以毆於彈丸不可展掉之樂安非天奪其魄乎
會雖然預待以吳漢朝發夕擒頗損聖慈何言之忍也相仲
舒於江都師主式於昌邑剖腸洗胃劇切以正即根疾難
刑副庶幾哉不失其道矣

丁未太監海童等使瓦刺還賢義王太平安樂王把禿李羅
賁馬謝罪初拒命皆順寧王馬哈木也

夜大星赤光燭地流雲中

戊申設貴州按察司

壬子北狩發京師仍以胡廣楊榮金幼孜從

四月起朔次鳳陽祭皇陵

庚申次大店邯鄲人言歲歉乞鈔幣代芻賦 工矜而蠲之

壬戌次夾溝祭徐王墓進鎮撫武勘為徐州衛指揮僉事守

墓

乙丑次利國復命太監海童指揮柏齡等使瓦刺勅勞太平

把禿李羅

己巳次邾城勅行在戶部以軍過踐傷民稼者除其租

己卯恭順伯吳允誠卒允誠韃靼人舊名把都帖木兒永樂

三年同倫都見反率五千餘人來涼州賜姓名授右軍都督
金事六年從北征捕進右都督九年左都督與中官王安
追叛火脫赤至把力河獲人畜十年封十二年從北征還
仍居涼州卒賜祭葬
何喬遠曰太祖中原既定貽於孫子成祖之時四

夷宿服豈徒然哉所以鞭笞招撫有其人焉予於諸公足
以觀之陳懋韓觀吳允誠金忠陳誠

四 談遠白鳥明興降胡自納海出外不候矣世爵始吳允誠
塔溝來歸繇宋晟招致之再扈鑿輿勞勩不懈跡其終始

則我明之稅侯乎哉

癸未西宮成入承天門曰午門又入曰奉天門東西角門翼
之內奉天殿有殿翼之入則後殿涼殿煖殿及仁壽景福仁

和萬春永壽長春等宮

甲申琉球國中山王恩紹山南王他魯每各入貢

五 朔成朔 上至北京御新殿受朝賀

戊子行在左副都御史李慶蓋督營造命行在工部作安樂
營以居病匠太醫院分療之御史錦衣衛官巡視亡歿者歸
其骨

乙未遣官巡視南北河道

丁酉和寧王阿魯台貢馬

己亥左僉都御史劉燾工部左侍郎伏伯安坐事俱降營繕

正司主事

辛丑許平陽大同人分佃廣平清河真定冀州南宮等縣

丙午禁兵器鬻外國雖勲戚不宥

閏五月交趾賊阮貞等伏誅

戊辰汀州賊劉勝孫偽稱太平將軍劫清流縣被擒伏誅

癸酉禁僧尼私建庵院

丁丑進士吳實監生曹習古趙忠王靜程瑤賈瑄馮駿秦中

汪仕銘陶純施斌崔錫楊禮何新為監察御史

戊寅夜大星光燭地出尾宿南行至近濁二小星隨之

庚辰夜大星自斗入箕

六月亥夜大星光青白出陰德行入紫微西蕃外

己丑近開平命備禦成安侯郭亮嚴兵

丁酉交趾順州黎核滿強及土官同知陳可論判官阮昭主

簿馮緩千戶陳懋百戶陳吾儕靈州判官阮徽左平知縣范

伯高縣丞武萬百戶陳巴律等作亂總兵官豐城侯李彬令

都督朱廣指揮同知黃振等討斬之初亂時交州左衛指揮同知段公丁陳思齊皆交趾南策州人從王師擒黎季犛平簡定陳季擴等積功並守順州力戰死勅命其子繼任其職已亥遣勅勞遠使西洋內官張謙等於浙江金鄉衛謙還舟泊衛海口植倭四千人我財百六十餘人力戰敗之故指揮辛酉戶鎮撫軍匠陞賞加等

乙巳真臘入貢

辛亥翰林侍講曾榮為侍讀學士進士徐義侯軌為監察御史儒士朝陽郭張善為翰林檢討張善求仕報繼母張氏故

有是命

夜大星赤光燭地自侯星旁行入貫索

七月丑夜月犯牛宿

庚午設四川烏撒軍民府

甲戌許幼官免缺襲職

乙亥賜皇太子務本之訓勅曰朕以教養太孫今錄賜汝復別以賜太孫使服膺之

戊寅壽星旦見

夜大星光青白出雲中行至游氣

壬午進士于綱王珣為監察御史

癸未刑科給事中阮瑤有罪誅

八甲申朔權蘓祿東巴國都葛以答刺權蘓祿西國麻哈刺吒

葛刺麻丁故權蘓祿峒者之妻以都葛巴刺卜各入貢

己丑行在翰林侍講兼左春坊左中允郝緝侍講王洪王試

順天

琉球中山王恩紹入貢

庚寅改行在翰林侍講王英王試出侍講錢塘王洪禮部主

事洪進士授行人遷科給事中有文學改檢討自脩

搢歷侍講頗矜傲嘗訐延平知府胡子祺罪死子廣學士於

實錄隱其罪及受命主試復奏之上察子祺實卒於官遂

謫洪飲恨死

辛卯右春坊右贊善梁潛侍講陳全王試應天

夜月掩建星

封蘓祿國東王巴都葛以答刺西王麻哈刺吒葛刺丁峒王

以都葛巴刺卜

甲午甌寧人進金丹及方書上曰方士欺秦皇漢武又欺

朕耶令自食其丹毀方書

壬寅勅山東福建等都司備倭

乙巳夜大星光青白出紫微西蕃行至近濁二小星隨之

戊申遼東廣寧衛進嘉禾

己酉福建沙縣盜陳添保等劫尤溪清流等縣伏誅

浙江按察使周新擒嘉興盜倪弘三等送京師伏誅

唐戎太白晝見

壬子安王楹薨楹敏好學年三十五亡子謚曰惠國除洪熙

初韓王封平涼景泰二年使襄陵王冲姪奉惠王祀

九月卯都指揮谷祥張翥往直隸浙江福建捕海盜

戊午太監張謙膏勅賜古麻刺朗國王幹刺義亦敦奔

庚申張安嗣安卿伯張勇子

夜熒惑犯左執法

己丑蘓祿國東王巴都葛以答刺歸次德州卒賜祭塋如禮

勅立其子都麻舍

丙寅每定應天江北牧馬例鳳陽廬楊滁和五丁牧馬一應

天太平鎮江十守牧馬一

丁卯孔子廟成勒碑於石

戊辰凡官馬斃及虧駒悉免著為令

夜月食既

己巳庚人允燭卒允燭以懿文太子季子建文中封吳王

上改封廣澤王降庚人

庚子翰林脩撰沈粲為侍讀

己卯秀才凌宴如吳節李文殊陳孟昇孫濬張周琬為給事

申止蘇林

庚辰夜大星光青白出天苑行至雲中

辛巳命行在工作人疾未痊者護送還家有司善撫之

十月未朔交趾盜楊進江廣等平

己酉刑部員外郎呂淵等使日本時擒倭多日本入特勅責

日本國王源義持

丙戌夜大星光青白起文昌行至近濁

戊申翰林院典籍鄭叔美為檢討進士楊鑑楊潤嚴繼先為

監察御史

庚戌淳泥入貢

十一月戌夜大赤星自天津西入游氣一小星隨之

甲寅賜朝鮮國王李芳遠加金幣及其妃以勤脩職貢也

辛未工部右侍郎蘭芳卒芳夏縣人洪武中舉孝廉授刑部

員外郎永樂初守吉安先是金華朱仲智守吉安仁明廉潔
會改重慶人難其繼及芳至民更大喜嘗坐累謫辦事官從
尚書宋禮沿河遷都水主事督浚河南河渠起右侍郎吉安
人思慕賢守輒言朱蘭

壬申金水河太液池水冰結為樓閣龍鳳花卉象賜群臣臨
觀行在禮部尚書呂震請表賀不許勅曰此歲以來卿等過
祥輒賀朕之涼德夙夜不敢康卿等毋因是而有怠心

癸酉命中外諸司受卹軍民勸課農桑作興學校平均賦役
敬祀慎刑旌表孝順節義民鰥寡孤獨必存卹之薦舉才德

遺逸之士嚴固邊徼倉庫出納無有侵欺一遵高皇帝成

憲官吏貪暴曠職者監察御史按察司具實糾治之

前禮部尚書趙珣改兵部尚書巡督塞北屯戍軍民一切利

病邊務不脩者以實聞初上巡邊顧陰慶保安州屢嘆曰

自三州民內徙至今尚皆荆棘耶因遷內郡人來實命尚書

趙珣經理之珣至分撥田土創居署定市廛導藝種植皆自

自履歷措置有方三四年間氓安賈湊遂為都會之區

戊寅陝西耀州進玄兔

以新安王有嬉火者領兵稱王來朝直獵大名行劫勅周王

糶械入京

辛巳占城入貢

十月癸未暹羅入貢

濬揚州儀真縣河

甲申進士汝廣何卓張宗監生鄭興王佐李昭為吏科給事

中教諭徐初進士蕭奇郭顯監生升田宋徵魁謙田文丁銑

唐勝劉凱為戶科給事中教諭魏凱訓導于會進士周敏學

樊鑑監生張燦劉芾武達馮政馬賓為禮科給事中教諭陳

玘進士黃完劉海監生王斌張軾周建劉秉古節張毓潘麟

為兵科給事中教諭趙信訓導熊義進士劉蓋劉顯監生盧

智劉啟李敏楊鐸張惠張芾王矩武襄為刑科給事中教授

周弘宗訓導顏偉進士李實監生裴祥韓麟為工科給事中

乙酉周王構請朝止之

山西行都司都指揮李謙欲領騎巡大同言總兵官都督朱

榮不許上責榮赴京自陳

辛卯右軍都督僉事歐陽青卒青江陵人以燕山中護衛百

戶從靖難歷山西都指揮使永樂三年遷右府後侍高煦頗

驕肆徵至行在卒子能襲羽林前衛指揮使

甲午夜熒惑至房宿

丙申哈烈撒馬兒罕諸國八貢偕中官魯安禮部郎中陳誠等至

庚子夜大星光青白出星宿南行至游氣

辛丑進士黃振為浙江道監察御史

夜月犯角宿

癸卯以永和王濟煨檀造龜紐印勅戒之

丙午置阿真同直衛女直野人

是月浙江海寧金鄉松門海門昌國定海各衛增置烽堠

戊戌永樂十六年

正月朔八上在北京

癸丑外官來朝部院科臣糾溺職者俱不問勅諭之

甲寅交趾總兵官豐城侯李彬奏清化府俄樂縣土官巡檢黎利叛遣都督朱廣等勦之利嘗事陳季擴善戰校計數為

金吾將軍來降授巡檢因人心不大德明故遂及行剽郡邑
自稱平定王弟石為右相國段莽為都督廣等擊斬六百餘
級而利剽如故

五丙辰夜大星光青白出翼宿東南行至雲中

癸亥謚永興王尚契曰懿簡

乙丑同州及澄城郃陽朝邑雨穀麥 蕎麥

丙寅以玄兔圖并群臣表頌賜 皇太子諭之曰群臣頌朕
朕心媿之夫好直則德廣好諛則過增爾將來有寄不可不
審理於言

夜月掩角宿

己巳前行在太僕寺卿楊砥卒砥字大用澤州人洪武甲戌
進士授行人司右司副請罷楊雄進董仲舒從之擢湖廣左
叅議建文時阻李景隆北伐免官 上初起鴻臚卿父喪廬
墓三年起禮部左侍郎巡河貶工部主事改禮部闕北京馬
政進太僕卿兼苑馬寺卿稱職母喪哀毀道卒剛介勤敏其
孝尤著賜祭

甲戌與安伯徐亨中軍左都督夏貴領二千騎巡備開平
誅浙江按察僉事石魯魯巡松門衛適倭薄城乘醉遁城陷

戊寅陝西布政司左叅政郭敦為行在禮部右侍郎並左副
夜大星赤光出即位西北行至下台

二丙戌脩大同等衛城堡

丁亥行在翰林院侍讀學士曾榮侍講王英至禮闈
癸巳有言隨州棗陽流民不軌一上不聽遣監察御史歐陽

和撫散之

己未琉球中山王入貢

戊戌永新伯許成卒成江都人自燕山中護衛百戶從靖難

歷左軍都督僉事許譚深趙曦殺梅敷得封

辛丑賜交趾土官都指揮陳汝石千戶朱多蒲祭墓初嘉興

州四忙縣盜殺流官知縣歐陽智等汝石多蒲追討死之汝

南策人多蒲北江東岍縣人

北京行部禮部郎中秦政學校險好訐至是典科舉受賕伏

誅輿論快之政學進士

戊申吳克忠嗣恭順伯吳允誠子

三龍溪縣丞劉伯翼為工科給事中進士沈福為江西道監察

御史

庚戌別失八里頭目速哥等入貢言其王納黑失只罕為從

弟至思弒之而自立西徙其國改號亦力把里王工命速哥為左軍都督僉事克刺滿刺為指揮僉事

三朝亥朔策貢士董璘等二百五十人於奉天殿賜李騏劉江鄧珍等進士及第出身有差

癸丑行在後軍右都督陳亨卒亨睢陽人起小卒從靖難自旂手衛指揮使歷都督同知至令官贈成武伯謚忠勇子謙襲金吾右衛指揮使

癸亥都指揮蘓火耳灰為右軍都督僉事

乙丑夜月食既

丙寅進士周叙董璘楊洪褚思敬尹鳳岐陳詢徐律習嘉言王賓胡文善周懋昭王暹雷遂莫珪孔友諒秦初為翰林院

庶吉士

夜月犯鉤鈴工星

甲戌太監海童指揮柏齡等還自瓦剌賢義王太平安樂王把秃孛羅及弟昂克并順寧王馬哈木子脫歡各入貢脫歡請襲爵許之仍海童往封

丙子曲先衛安替迷失三郎襲指揮使

戊寅太子少師姚廣孝卒廣孝長洲人年十四薙髮名道衍

字斯道相城道士應席真博學諳兵術道衍師之盡得其秘
兼善詩詞古文與楊基高啟游僧宗泐薦之命住北京慶壽
寺侍燕邸二十年建文初陰說上起兵因同世子居守
上用其策事平授僧錄司左善世及立皇太子賜名廣孝
拜太子少師予冠服賜二宮人弗近也上益重之呼少師
不名居蕭寺中上問疾曰業出家矣又何言年八十五贈
榮國公謚恭靖上作神道碑比於元劉秉忠養子繼官尚
寶司少卿洪熙初加贈少師侑太廟廣孝嘗著道餘錄譏詆
宋儒有楊洪與廣孝厚燬其書

王世貞曰劉誠意之事太祖與姚榮公之佐太宗俱
笑帷帳鼎勒鐘顧所以報誠意乃不若榮公之豐至傳榮
公者琴、馬豈自諱之而不自明抑史諱之而不有其庸
嗟乎首發殺機睚眦就功不娶亡子蹈迷復凶所謂歸儒
者不盡而為墨者不終耶又曰廣孝協定大計乃循初服
棲心玄門終不得以富貴易之奇士哉雖然於釋則臣道
靡也於臣則釋道累也彼王賓者隱人亡論焉愧其姊矣
劉鳳曰時運方邁則異才出焉固不一途哉當高皇時
固疑文皇之受命也幾道衍而仁慈佐之而首定大計

開萬世洪業及成功謝不居則又加於人一等矣子房學
黃老謂有託此其游於方之外自性然豈為富貴哉所著
書多不傳若其深詆宋儒必有見焉張洪何者輒焚戒之
惜矣
談遷曰西文皇帝平內難雖出入行間其眎草昧手闕又
懸殊矣假道衍不佐其籌於一丈皇帝何損而兵謀顧自
公發之非世之不祥人耶其策秘不傳大抵占候之學未
可與漢之子房明之伯溫並日語也當公貴顯年殆七
秦桑榆垂盡何論婚宦哉伍被賣淮南而死榮公祚文

皇帝而死成敗異軌其險倖一也

四癸卯巳周府儀賓盛瑜藏匿李景隆家人勅周王構戒之

乙未夜大星赤先出中台西北行至近濁

丁酉太監海童左軍都督僉事蘓火耳灰都指揮程忠等齎
勅賜太平把禿孛羅及昂克脫飲綵幣遣指揮毛哈刺祭故
順寧王馬哈木

乙巳行人呂淵還自日本國王源義持上表謝罪

丁未刑科給事中陳諤為順天府尹

己酉代王桂梅過復其護衛

五唐戎朔行在戶部尚書夏原吉等上 太祖高皇帝實錄表

曰頒脩史之詔在嗣位之初爰纂成書實錄聖斷謂事貴直而文貴簡理必明而義必彰乃勅命乎儒臣彙編劇乎歲月

云云上御殿受之令別錄一部貯古今通集庫

遣中官楊忠等使亦力把里賜其王歪思綺幣刀甲

談遼曰歪思弒兄篡立并改其國大無制也律以黎季犛

阿魯台之討勢在不貸即宥以荒遠奈何旅葵未肯遽勤
四牡之節哉文皇帝好招致殊域舍逆取順顯比之道
或不當如是也

辛亥賜監脩總裁纂脩實錄官鈔幣有差

蘓門荅刺千達里暹羅琉球各入貢

昌平妖人劉化避軍詭稱彌勒佛誘亂伏誅

癸丑倭百艘七千餘人攻金山衛城拒卻之

乙卯遼王植奏子遠安王貴燮私遁命跡之時貴燮失父意

欲入京訐其陰事

丙辰勅成山侯王通行視陝西潼關等處曰 高皇帝數命

公侯重臣脩理軍政今西北邊尤急勉盡厥心

命山東都督指揮衛青李凱以八千人沿海勦倭

瓜哇國西王楊惟西沙入貢歸我流人

丁巳文淵閣大學士兼左春坊大學士胡廣卒廣字光文吉
安人建文庚辰進士第一賜名靖授翰林脩撰至 上復舊
名自侍講直文淵閣累官大學士仍兼左春坊大學士敦厚
周慎在 上前未嘗刺人入所應對出不告語公退閉戶讀
書賦詩而已故人無私請終保恩寵時曰漢朝胡廣號中庸
今日中庸又胡公年四十九贈禮部尚書謚文穆國朝文臣
有謚自姚廣孝及廣始

何喬遠曰楊榮金幼孜胡廣在 成祖左右故具有終始

無畏無憂榮以敏幼孜以慤而廣以從世言 成祖師臨

江學士董倫遣人收城外所畜羊鷲諸物而廣方如廁行

視其家人牧豎不能死君則亦已矣寧牧豎時耶抑何與

對策初意疾也論思被遇之臣不敢不載云爾

庚申行在吏部郎中陳誠為廣東布政司右叅議

行在翰林院庶吉士何賢蔣禮趙鼎陳坤奇曹義鍾英為編

脩戴觀王璜王觀潘勤邵暹樊敷石慶黎民為中書舍人

辛酉夜月犯房宿

壬戌隆平侯張信採太嶽太和小芝數千百莖進之

戊辰復代府長史紀善等官

辛未行在刑部主事李時勉為翰林院侍讀陳敬宗為侍講

六朝已雲南金齒潞江長官司進為安撫司

乙酉詔纂脩天下郡縣志行在戶部尚書夏原吉翰林學士

兼右春坊右庶子楊榮翰林學士兼右春坊右諭德金幼孜

總之仍遣官博採

戊子夜水星犯軒轅大星

戊戌勅交趾總兵官豐城侯李彬曰為將之道在智勇仁信

忠勇則不可犯智則不可惑仁則受人信則不欺忠則無二

爾撫鎮遠夷正當體之

庚子應城伯孫巖卒巖鳳陽人國初從渡江歷燕山中護衛

正子戶致仕事上守通州城功封追贈侯謚威武

辛丑勅遠東總兵官都督劉江曰倭孽出沒其固守勿輕出

戰百

癸卯夜大星赤光出紫微東蕃外行入貫索

乙巳縣丞馬俊為禮科給事中俊洪武進士任御史謫

縣丞

丁未光祿寺少卿周成鍾永用寺丞王宣於御膳所脩製草

藥被告伏誅

七月辛亥鎮守徐州忻城伯趙彝有罪宥之

丙辰治濬沔河滋沙二河決隄

庚申夜月犯牛宿

辛酉交趾右布政使莫勛及交州知府杜希望等獻家丁五

百人助營建時大工就緒各賜鈔二十錠遣之

己丑築魏縣河隄

戊辰夜月犯木星

己巳勅讓陝西布政司按察司曰比聞所屬郡縣歲累不登

致民流莩又不以聞其咎安在速賑之

靖州盜王忠自稱平定侯攻劫武岡捕誅之

癸酉監生張震為河南道監察御史

甲戌翰林侍讀兼右春坊右贊善梁潛司諫周冕以輔導有

闕逮下獄時南北相去遠僉人附漢王高煦讒構百端干戶

陳某虐民取財皇太子謫交趾尋宥之或言不宜宥罪及

潛冕遂殺陳逮潛冕上知潛無它會有言冕佻達并殺潛

丙子朝鮮國王李芳遠奏世子禔驕恣不肖季子禔孝弟力

學可嗣從之

戊寅朔故交陟布政司右叅政莫邃戰沒子嵩襲叅政祿不任

泥小刺國王沙的新萬入貢遣中官鄧誠賚勅賜錦綺紗羅所

經罕東靈藏必力士瓦烏思藏野藍可般小納等處頭目皆

有賜

庚辰滄州進白兔

辛巳占城滿剌加入貢

癸未遼東總兵官都督劉江請築望海埕石城從之金州衛

西北距衛都督十餘里倭所必經

丙戌壽星旦見

壬辰禮科給事中馬政有罪謫戍邊

癸巳徐安嗣永康侯徐忠子

丙申光祿寺卿張泌卒泌潁州人洪武中監生授兵科給事

中再遷光祿二十餘年勤慎不懈嘗與井泉發中官陰事

上再賜免死詔至是遣祭同時寺丞黃縣仲謙才如泌亦卒

後人不逮也

丁酉哈烈沙哈魯撒馬兒罕兀魯伯各入貢

壬寅蜀府崇寧王悅燁薨

乙巳刑部郎中陳福為順天府尹

九月戌夜月食既

癸亥漢府隨侍都指揮周或路宣王海私受漢王龍文服誦

戌亥陞

戌辰中官林貴行人倪峻送占城國王孫舍那柁還國

壬申夜火星犯壘壁陣星

乙亥浙江布政司左叅議易英為禮部左侍郎

十月朔員保安左衛改懷來衛

夜大星光青白出太微垣東行至近濁

庚辰進士汪勝為北京道監察御史監生石礪為陝西道監

察御史

辛巳令京城凡盜馬者斬

甲申工部言河南河溢決埽座四十餘文命發卒治之

戊子交趾總兵官豐城侯李彬貢白象一黑象十七

工部右侍郎鄭綱卒南陽人監生

己丑諭陝西三司曰西人若旱征役又繁朕甚憫焉自今出

使外夷一切供應非有朝命毋得擅取違者重罪

壬辰夜月犯畢宿

壬寅朝鮮國王李芳遠稱老命光祿寺少卿韓確鴻臚寺丞
劉泉往封其子禔朝鮮國王

癸卯大寧都指揮同知蕭授為右軍都督僉事總兵官鎮守

湖廣貴州

定僧道府四十人州三十人縣二十人限年二十親隣保勘

出家五年赴僧錄道錄司試其業給牒不則罷遣為氓

十一月夜大星赤色出北斗杓流丈餘發光東南入即位

壬子行在刑部郎中楊勉為右侍郎

琉球中山王入貢

癸亥置交趾丘溫衛

甲子命保定侯孟瑛往浙江祭海神時瀕海諸縣潮患

夜金星犯壘壁陣

丁卯左軍左都督朱廣卒廣常熟人自卒伍事上靖難歷

都指揮僉事遷河南都指揮同知從征交趾累功至都督復

出鎮

辛未免浙江江西湖廣蘓松民營一造令轉運北京

十二月朔武當山宮觀成賜名曰太嶽太和山上自為碑紀

之資先福并祈弭臣庶焉宮觀極巧麗其天柱峰最高作銅

殿飾以黃金範真武像給田二百七十七頃蓋靖難時藉靈
真武云

戊寅代世子遜端薨以狠傲荒淫謚曰悼疾

己卯召開平備禦與安伯徐亨還京

工部左侍郎伏伯安初有罪降營繕主事至是以才復之

辛巳夜大星青赤光燭地自柳宿東行至近濁

壬午安定王尚玠狂悖有異謀西安中護衛百戶張誠等以

王募兵檄閩召入京詰問

丁亥榮陽教諭蔣先浦城教諭楊蓋為吏科給事中靜海教

諭商賈為禮科給事中鄭州訓導裴俊為戶科給事中

順天府戶陳福改應天

戊子諭法司曰唐太宗惡官吏貪濁犯贓必犯法吏尚清謹

民免倍尅貞觀所以為盛屢勅中外法司不許妄殺一夫擅

斂一財而官吏恣肆自若繼今論如法

壬辰復虞謙右副都御史先坐累免

癸巳和寧王阿魯台貢馬

丁酉寬官吏給由期三月

辛丑成山侯王通偕戶部官馳賑陝西旱灾諭曰民之饑餓

警林水火連往母緩一切不急悉停止之民間事不便者條
具以聞

其以聞

其以聞

其以聞

己亥永樂十七年

正朔午朔

癸丑安定王尚玠在京訊實廢為庶人安置泗州守陵進張

誠登州衛指揮同知誅其黨二十八人餘戍交趾

丙寅江西新淦縣逃匠雷劍南等聚眾拒捕命都指揮劉忠

都督馬聚勦之聞已輸罪止聚等

太監海童還自瓦剌賢義王太平安樂王把秃孛羅及弟昂

克貢馬

丁卯夜大星青白光燭地出參旗行入天園

戊辰琉球中山王貢馬

壬申都督僉事吳成兵部尚書趙珣往視薊州迤東口北牧

地時馬日蓄

乙亥平江伯陳瑄充總兵官專理漕運北京

二月酉興安伯徐亨領二千騎備禦興和開平大同宣府備禦
都督僉事章安等立興和以外斥堠

丁亥濟南青州水災鵬賦萬石准輸鈔帛

戊子浙江布政司右叅議岳福為通政司左通政

庚寅通政司左通政趙居任卒居任溧陽人洪武中以耆年

授通政司左叅議歷左通政使日本治蘓松水利雖潔介在

蘓松十餘年乘潦役民歲告其稔民頽苦之

丁酉進士方佺監生王秀為監察御史

孫亨副應城伯

戊戌賀銀為通政使先工部右侍郎左遷營繕主事

辛丑都督僉事王哈刺把都兒領騎備禦開原廣寧

三月酉中官李信林春使哈魯賜忠義王免力帖木兒綺帛及

其母妃部屬

辛亥吏科給事中王貞有罪謫戍邊

乙卯真臘入貢

丁巳為善陰隲書成輯古百六十五人各論斷系詩於後

上自序之許科舉准大誥例試士

辛酉僧錄司左覺義張荅里麻通譯書善應對遂於番僧朝
貢脅資留難侵奪各寺院田園都指揮李英發之伏誅籍其
家

甲子占城入貢

乙丑夜大星光青白出軫宿西北行入太微垣

丙寅置涿鹿中衛

庚午行在吏科給事中楊和為工部右侍郎監生李浩顧恂

為吏工科給事中進士陳敏為浙江道監察御史

都督僉事吳成兵部尚書趙珣擇牧地於保安州自順聖川

至桑乾河廣袤百三十餘里先給馬千匹都督張安尚書趙

珣提督命行太僕寺少卿主之

甲戌夜大星光燭地出中台西北行至近濁

四 甲子順天進白鳥

丁酉琉球中山王入貢

壬寅申交易金銀之禁

癸卯浚蕭山縣淤河

甲辰秦寧侯陳珪卒珪秦州人善騎射初自燕山護衛千戶

從靖難封年八十五贈靖國公謚忠襄

五朔午先是文陞賊黎利據河藍柵總兵官李彬遣都督同知
方政都指揮師祐等擊走之匿老樹尋復劫殺政又敗之阻
瘴暑俟秋進兵

庚戌行在禮部郎中周訥為太常寺少卿

壬子夜次星光青白出游氣流火餘發光行西北雲中六小

星隨之

癸丑湖廣布政司左叅政郝鵬為戶部左侍郎行在翰林典

籍周翰為檢討庶吉士張習為中書舍人廣西道監察御史

舒仲誠為湖廣按察司副使監生史鑑游學為吏科給事中

孫斌戶科給事中

辛酉哈烈回回阿力火失阿壘等入貢

壬戌禮部左侍郎易英卒英字以和澧州人洪武中舉明經

授本州訓導擢工部主事進郎中永樂初遷河南左叅議調

浙江寬簡不苛奉命祀海卒杭州

戊辰皇太子除建寧郎武獲没人徭賦

六月丑釋輕繫運磚贖罪

己卯行在翰林脩撰王直為侍讀襄陽知府余士吉為山東

布政司左叅政

監生鄭果陳琳劉昌朱璿李個栗鏞黃忠劉翥為給事中余
鼎施衍秦哲李家夏仲時李信唐閔史振劉敏司齊趙承泰
趙整喬林符節楊用為御史

辛巳遣太監黃儼勞前朝鮮國王李芳遠

壬午免順天去年水災田租

夜大星光青白出勾陳旁東北行至雲中

戊子連東總兵官中軍左都督劉江城金州衛之望海場俄

候卒言東洋王家山夜舉火江計倭至矣疾馳入城伏都指

揮錢真徐剛於山下詰朝倭二千餘人泊馬雄島進至塌江

散髮若真武狀砲舉伏發剛步戰真領騎要其歸路倭敗奔

櫻柁園圍殺幾盡脫者走海百戶姜隆先焚其舟無一脫生

擒百十三人斬千餘級上聞之璽書褒諭召入京

庚寅初山西行都司軍採石青於沙淨州舊塘艱甚俄見青

蛇跡之坎石青加鮮都指揮李謙以圖上

七月未奉化教諭李霽為工科給事中東光訓導張俊為禮科

給事中東昌訓導邵連裕州訓導蔣輔陽城訓導鄭攷濟陽

訓導王汝器應州學正張謹俱為刑科給事中蒲州學正李

錫為吏科給事中九江訓導守林道安為兵科給事中太平府

推官劉隆為河南道監察御史監生費觀為山東道監察御

史

頒交趾人喪禮從交趾布政司副理問盧文政之言

辛亥定浙江江西湖廣及京軍轉運餘衛軍營造如轉運不

給於浙直江廣量調民輸運淮安臨清

癸丑陳愉嗣泰寧侯陳珪次子

丁巳錦衣衛署印都指揮劉忠因事擅囚都督程寬見劾下

臺獄

戊午諭武臣子弟襲職俱成國公朱勇總練

夜金星犯天鐔中星

庚申鎮遠侯顧興祖巡視呂梁時忻城伯趙彝鎮徐州兼理

洪道貪縱廢事故遣興祖仍勅責彝

官軍自西洋還厚賚之

壬午交趾賊黎利掠嘉江都指揮黃誠等擊敗之復走老撾

夜大星光赤黃燭地自暈宿西南行至游氣

癸未勅皇太孫曰爾年既長尚勤學問自古帝王未有不

讀書明理而能齊治均平者

交趾乂安土知府潘僚反僚李佑子也季祐事陳季擴偽少

保勢迫來降授交趾按察副使署守入安僚繼之時太監馬
騏凌虐不堪遂反豐城侯李彬擊敗之走玉麻州

壬辰交趾進白鳥

癸巳夜金星犯軒轅大星

甲午壽星旦見

九癸卯朔上輯列仙傳自序之

丙午滿刺加等十七國入貢

夜土星犯上將星

己酉西安進嘉禾

壬子封劉江廣寧伯世祿千二百石江初名榮仍父名補伍

至是復名榮

談遷曰文皇帝每飯不忘倭所下尺一俱數一早計矣

劉榮扼其上游望海之版築纔就而飛塵及之矣帝不

自聖提書朝上延竚恐後立刻其符酬功之速如此遷臣

有不怵舞統勸者哉後人之輒推廟筭蔓及樞輔印利而

未予其不及先朝遠矣

甲寅進士徐爵為北京道監察御史

丙辰卿雲見行在禮部請賀不許

夜大星赤光燭地出壘壁陣南行至師門旁

丁巳哈密等處及回回滿刺撒丁貢馬三千五百四十六匹

己未減貴州普安衛中鹽米一斗為二斗

辛酉召四川採木工部尚書宋禮回京

十月甲朔交趾俄樂縣盜范軟平

丙子夜大星光青白自孤矢旁行至近濁

癸未遣使勅諭暹羅國王三賴波磨札的刺時滿刺加國王

亦思罕答兒沙新立來朝訴暹羅見侵也

命中官楊三保等賜烏思藏法王國師等絨錦綵幣

戊子監生石有賢為山西道監察御史

順天府尹陳諤改湖廣按察使

庚寅胡種為翰林院檢討胡廣子

壬辰夜大星赤光出天鈎東北流丈餘發光徐至太子星旁

又大星光青白出紫微東蕃外行至近濁

癸巳夜明犯軒轅右角星

十一月朔和寧王貢使不法奪市貨命械其人歸和寧王自治

交趾盜四起勅總兵官李彬督捕

壬寅夜大星光青白出軒轅行近天廟堂旁發光至雲中

癸卯廣寧伯劉榮仍總兵官鎮守遼東

丙午蘓門荅刺國王宰奴里阿必丁入貢

官軍敗滿僚於玉麻州走老撾又追敗之

丁未吏部郎中諸葛平為湖廣布政司右叅議專提督太嶽

太和山宮觀

己酉行在禮科給事中牛麟為詹事府丞

指揮毛哈刺還自瓦刺言阿魯台襲賢義王太平等大破之

命千戶脫力禿古等慰賜太平等綵幣

甲寅發京庫鈔九千七百二十錠易粟儲貴州備歲

丁巳甘露降孝陵松柏三日

甲子拓北京南城

乙丑夜大星光青白燭地出外厨行至雲中

戊辰交趾嘉林善才縣盜陶強等叛都指揮劉震于瓚吳興

擊走之欲渡富良江都指揮陳濬力戰過之已賊益熾李彬

遣都指揮耿榮等擊敗之

十癸酉交趾都指揮陳忠等敗建昌縣賊於小黃江追至西真

縣共斬獲千計

丙子夜大星光青白出柳宿行至天廟

丁丑勅武臣曰自古國家盛衰強弱未有不繫武備之張弛
有宋之時太祖太宗削除暴亂將勇兵強後嗣不脩醜僭
竊馴致分裂宗社丘墟元有天下世宗戎部整肅甲兵強盛
遂以胡主華厥後嗣主荒淫軍政弛焉覆亡竟至我高皇
帝受命於天於時將帥效忠士卒奮勇天下之民陰受其賜
朕嗣位以來屢勅爾等整齊隊伍操練士卒犀利器械爾等
惟圖貨賄苟且蒙塞今明與爾言爾犯他罪論勲論戚猶可
或怨若如前弊罪且用殺

戊寅交趾總兵官李彬遣交州後衛方政擊建平盜丁宗老

等敗之

庚辰令在外大辟悉送京師審錄

夜火星犯鉤鈴星

辛巳李彬追敗鎮蠻盜斬獲五百餘人

癸未慶雲見

乙酉交趾總兵官李彬敗賊於東潮州初安老縣塗山寺妖
僧范玉詭神賜劍印僭號羅平國改永寧元年以萬善為入
內檢校左相國平章軍國重事吳忠為入內行遣右尚書知
軍國重事陶承為車騎大將軍黎行為司空彬遣兵擊擒之

斬千二百級擒善等七百八十八人玉脱去後報擒不實唐懿宗時

東賊裘甫稱羅平國改元天冊元世祖至元二十年

廣州新會縣賊林桂芳亦稱羅平國改延康元年

丁亥勅皇太孫曰此聞出郊游獵一軍害民即懲以法朕

聞甚喜善積而久名播天下不令而行不言而信

戊子刑部郎中吾紳為行在禮部右侍郎

已丑初翰林學士楊榮條府部諸司積弊十事上覽而嘉

之密諭曰雖切時瘼但卿為近臣恐致猜疑可令慎密御史

言之於是御史鄧真奏上衆皆待罪命即日悔改

庚寅肅王橫薨橫母郝氏初封漢二十五年改封肅國甘州

建文初移蘭州居國循理好文學謚曰莊

癸巳琉球中山王入貢

乙未工部侍郎劉仲蕪許廓覈交陟戶口田賦仍察軍民

利病

夜二火星分青白色一出天園南行至近濁一出柳宿南行

入天社

丙申李彬進兵諒江偵偽司空黎行偽金吾大將軍陶強以

一千人屯多錦縣之麻浪社即趨之

丁酉巡按交陟監察御史黃宗載言交陟郡縣官多兩廣雲

貴歲貢下第之士未入國學才非歷試故牧民不知撫字理
刑不明律意若候九年黜陟廢弛益多宜到任二年以上嚴
加考課 上從之因命行在吏部慎選官吏
戊戌李彬兵至善才縣敗賊游兵追至麻浪社大破之斬陶
強殺獲三千五百餘人

